



**Pikinini blong Yu i Redi blong Ko Long Skul?**  
Asesmen Tul blong Save Sipos Pikinini i Redi Blong Ko Long Skul.



Ministri blong Edukesen: Ripablik blong Vanuatu  
Eli Jaelhud Kea mo Edukesen

## Rod Blong Usum Eli Redines Asesmen Tul


Insaed long ol seksen ia bai yu save faenem i kat wan leta i ko long ol perens mo tul ia we yumi kolem Redines Asesmen Tul we bai ol perens nao oli raet long hem, mo yu olsem wan tija bai i givhan long ol perens. Plis mekem taem blong go visitim everi perens o invaetem olgeta blong kam wan wan long kindi. Hemi **impoten** tumas blong yu mas askem olgeta i kam wetem pikinini blong olgeta. Bai wanwan pikinini i mas mekem tu(2) samting long taem blong asesmen ia. Sapotem gud ol perens taem oli stap fulumap redines tul ia mo yu mas redi blong ansarem kwestin blong olgeta. Putum gud risol blong redines tul ia i stap insaed long potfolio blong pikinini.

### Instraksen blong hao tija i save usum leta mo redines asesmen tul wetem ol perens:

1. Ridim leta ia i ko long ol Perens mo ansaren eni kwestin
2. Soem Eli Redines Asesmen Tul ia long ol perens. Helpem ol perens blong oli no fraet o sem, blong tokabaot pikinini blong olgeta. Hemi impoten se oli no mas filim se bai yumi jajem olgeta long wanem ansa oli givim abaot pikinini blong olgeta.
3. Explenem se redines tul ia i kat 4 pat long hem.
4. Ridim ol infomesen mo ol toktok long pepa ia(tul) i ko long ol perens. Raetem daon ol ansa long pepa ia.
5. Folem intraksen olsem we i stap andanit ia:
  - **Pat Wan (1)** I kat wan lis long 41 aktifiti we bai pikinini i save mekem. Ridim wanwan toktok long perens. Askem perens blong ansa YES o STAP TRIAM o NO YET. Putum wan mak andanit long wan long olgeta 3 heding ia long stret ples folem nomo wanem ol peren i talem.
  - **Pat Tu (2)** Askem pikinini blong poen long ol difren kala we yu soem long hem. Mekem sua se yu kat ol samting long stret kala blong soem long pikinini (maet long kreon o kala pepa.) Rikodem ansa blong pikinini long stret ples blong hem.
  - **Pat Tri(3)** askem pikinini blong soem ol stret namba we yu askem.
  - Mekem sua se yu raetemaot ol namba i ko long wan bigfala pis pepa. Raetem ol namba i bigwan blong i isi blong pikinini i luk. Rikodem ansa blong pikinini long stret ples.

- **Pat Fo (4)** Askem perens blong mekem komen long pikinini blong hem mo saenem nem blong hem. Taem perens i stap toktok raetem daon ol komen o tingting blong olgeta long pej ia..
6. Ridim ol risol blong ol infomesen yu kasem abaot pikinini ia. Usum Eli Laning Developmen Standet blong Ministri Blong Edukesen blong helpem yu save mekem wan ripot abaotem pikinini ia.

**Note blong Tija:**



#### **PAT FO (4): Komen o toktok blong ol Perens**

1. Plis yu talemaot wanem sam ol samting we pikinini blong yu is save mekem long saed blong ol talent, interes o sam nid blong hem.
2. I kat sam risen from wanem yu tink se pikinini ia i kat wan spesel kondisen o nid we i gud blong pasem hem long ol speselis bifo hem i ko long skul?
3. Sipos yes , from wanem o plis talem wanem nao nid ia?

**Saen blong Peren:** \_\_\_\_\_

**Det:**\_\_\_\_\_

#### **Apendiks A - Leta I Go Long Perens**

##### **Leta I Go Long Ol Perens**

Ministri blong Edukesen  
Ripablik blong Vanuatu

Dia ol Perens:

Mifala i tink hevi long ol pikinini blong yu mo mifala i wantem se hemi mas kat wan hapi, sef mo gudfala laning experiens long Kindi. Kindi tija i pleim wan impoten pat olsem wan ofisa we i stap long medel blong haos mo kindi. Hemi impoten tumas blong ol perens i serem eni infomesen abaotem pikinini blong hem long tija, blong tija i save helpem pikinini blong setel daon gud taem hemi kam long kindi. Mo tu, sipos i kat wan samting we i mekem pikinini blong yu i fraet o i wari, bai samting ia i save afektem laning blong pikinini. Risen ia nao i mekem mifala i askem yu blong komplitim Eli Skul Redines Tul ia. Infomesen we yu kivim long tija bai i save helpem tija blong save wanem nao pikinini i save finis mo wanem samting nao bai hemi nidim blong lanem. Infomesen we yu givim i konfidensol mo bai mifala i save serem nomo wetem tija blong pikinini blong yu.

Bai kindi tija i helpem yu blong fulumap fom ia mo explenem long yu. Bai tija i askem tu blong pikinini blong yu i mekem sam wok. Afta, bai tija i kipim fom ia olsem wan konfidensol rikod long wan folda blong pikinini blong yu, we oli kolem potfolio. Bai i kat sam wok blong pikinini blong yu we hemi bin mekem long yia ia, mo bai yu save lukim ol jenj long laning blong pikinini blong yu.

Sipos yu kat sam gudfala tokok o sam wari we yu wantem serem, plis talemaot long tija blong pikinini blong yu. Tija i stap blong sapotem yu, blong mekem pikinini blong yu i wantem lan from ol aktifiti i fun, i sef, mo i mekem pikinini i glat blong lan.

Griting i kam long,

Jennifer James  
Nasonal Eli Jaelhud Kea mo Edukesen Kodineta  
Ministri blong Edukesen

**Apendiks B - Eli Skul Redines Asesmen Tul blong ol Perens**

Eli Skul Redines Asesmen Tul blong ol Perens

---

**FOM IA I KONFIDENSOL**

Taem yu finis fulump fom ia, bai yumi putum insaed long potfolio blong pikinini wetem ol narafala wok mo ol tul blong ripot we bai soem ol infomesen abaot pikinini blong yu.

**Nem blong Pikinini :** \_\_\_\_\_

**Det hem i bon:** \_\_\_\_\_

**Det hemi Statem Kindi:** \_\_\_\_\_

**Gel o Boe: (plis putum sekel long stret wan)**

Boe

Gel

**PAT TRI (3): Luk Save Ol Namba**

Soem long pikinini **wan bigfala pis pepa we oli raetem ol 12 namba ia andanit, long hem.** I no nid blong ol namba ia i stap long wan stret laen. Mekem sua nomo se everi namba ia i stap sam ples long pepa ia. Raetem ol namba ia i big wan blong i isi blong pikinini i save luk.

Talem nem blong wan wan namba. Askem pikinini blong i poen i ko long stret namba we yu talem. Putum wan mak long “YES” o “NO” taem pikinini i givim ansa blong hem.

<b>Namba</b>	<b>YES Save ol namba blong hem</b>	<b>NO No save ol namba blong hem</b>
<b>1</b>		
<b>7</b>		
<b>2</b>		
<b>5</b>		
<b>3</b>		
<b>6</b>		
<b>9</b>		
<b>4</b>		
<b>8</b>		
<b>10</b>		
<b>11</b>		
<b>12</b>		

<b>GRIN</b>		
<b>YELO</b>		
<b>ORENJ</b>		
<b>BRAON</b>		
<b>BLAK</b>		
<b>WAET</b>		

**PAT WAN: OI Aktifiti**

**Topik: Jenerol Developmen**

<b>OI Aktifiti blong Pikinini</b>	<b>Yes</b>	<b>Stap Triam</b>	<b>No Yet</b>
Pikinini blong mi i save talem yia blong hem:			
Pikinini blong mi i save nem blong ol pat blong bodi blong hem:			
Pikinini blong mi i save tokabaot weta: sipos i ren, san o i kat tumas win:			
Pikinini blong mi i save usum kreon:			
Pikinini blong mi i save pleplei wetem ol lokal pleplei mo ol narafala samting we yumi givim long hem:			
Pikinini blong mi i save askem ol kwestin abaot wanem hem i luk, harem, smelem mo tatjem:			
Pikinini blong mi i laekem lisen long ol miusik mo ol singsing:			
Pikinini blong mi i laekem blong usum miusikol instramen mo i laekem blong kiaman pleplei wetem , kita mo ol narafala instramen:			
Pikinini blong mi i stap kiaman se hem i stap pleplei wetem ol kiaman fren:			
Pikinini blong mi i laekem pleplei weem ol toti pleplei olsem sandbis mo wota.			

**Topik: Fisikol Developmen**

<b>OI Aktifiti</b>	<b>Yes</b>	<b>Stap triam</b>	<b>No Yet</b>
Pikinini blong mi i save wokabaot hem wan			
Pikinini blong mi i save klaem wan smol step mo plei long manki ba:			
Pikinini blong mi i save resis hem wan:			
Pikinini blong mi i save kasem wan bol:			

Pikinini blong mi i save kikim bol:			
Pikinini blong mi i save pleplei wetem ol smol pleplei, ol blok, ol katen, ol sel mo ol narafala samting.			

**Topik: Lanwis Developmen**

Ol Aktifiti	Yes	Stap triam	No Yet
Pikinini blong mi i stat blong mekem ol mak mo dro long pepa.			
Pikinini blong mi i save finis se hem i raet o left han:			
Pikinini blong mi i laekem lisen long ol stori mo i save sam kastom stori mo danis:			
Pikinini blong mi i save talem bagegen wan sot poem o singsing:			
Pikinini blong mi i stap usum tokok we i kat 4 o mo wod long hem:			
Pikinini blong mi i stap joen long ol singsing mo ol rhymes:			
Pikinini blong mi i harem save ol stori taem mifala i rid long hem:			
Pikinini blong mi i laekem lukluk ol buk:			
Pikinini blong mi i save ansa taem oli singaotem nem blong hem:			
Pikinini blong mi i harem gud taem oli ridim stori long hem:			
Pikinini blong mi i save poen long ol stret pikja long buk, eksampol: taem oli askem hem blong poen long blu bol hemi save mekem:			

**Topik: Sosel Developmen**

Ol Aktifiti	Yes	Stap triam	No Yet
Pikinini blong mi i save tokok gud wetem ol narafala pikinini:			
Pikinini blong mi i save toktok gud long ol bigbig man we hemi save:			
Pikinini blong mi i save serem samting wetem ol narafala pikinini:			

Pikinini blong mi i save fidim hem wan:			
Pikinini blong mi i save wasem han mo fes blong hem, hem wan nomo:			
Pikinini blong mi i save wapem mo bloem nus blong hem, hem, wan:			
Pikinini blong mi i save usum gud tolet:			
Pikinini blong mi i save tekemaot mo havem klos blong hem, hem wan:			
Pikinini blong mi i stap helpem blong klinimap ol pleplei, ol buk, ol klos mo ol narafala samting :			
Pikinini blong mi i save nem blong ol samting we i stap olbaot long haos:			

**Topik: Matematik Developmen**

Aktifiti	Yes	Stap triam	No Yet
Pikinini blong mi i save komperem ol isi samting olsem "big mo smol"			
Pikinini blong mi i save luksave ol difren sep olsem ol sekel mo ol skwea:			
Pikinini blong mi i save talem ol namba blong hem ko kasem 10:			
Pikinini blong mi i save kaontem mo givim ol samting wan ko kasem 10:			

**PAT TU (2): Luksave ol Kala**

Yusum ol difren kala kreon o ol kala pepa blong soem long pikinini. Ol kala i mas olsem hemia we i stap andanit ia. Askem pikinini blong talem nem blong wanwan kala. Putum wan mak long "YES" o "NO" taem pikinini i givim ansa blong hem.

Kala	YES Save stret kala blong hem	NO No save stret kala blong hem
<b>RED</b>		
<b>BLU</b>		